



অবিলম্বে প্রকাশের উদ্দেশ্যে: 12/15/2022

গভর্নর ক্যাথি হোকল

গভর্নর হোকল দেশের প্রথম স্থানীয় সরকারসমূহের জন্য সবুজ সংগ্রহ কর্মসূচি ঘোষণা করলেন

নতুন সবুজ ক্রয় সম্প্রদায় কর্মসূচি জনস্বাস্থ্য ও পরিবেশ রক্ষা করতে সাহায্য করার জন্য টেকসই পণ্য বাছাইয়ে স্থানীয় নেতৃত্বকে স্বীকৃতি দান করে

গ্রিনNY পরিষদ 10টি নতুন গ্রিনNY ক্রয় বিশেষ শর্ত জারি করে, যার ফলে এর মোট সংখ্যা হলো 88

গভর্নর ক্যাথি হোকল আজকে সবুজ ক্রয় সম্প্রদায় কর্মসূচি (Green Purchasing Communities Program) শুরু করার ঘোষণা করলেন যা স্থানীয় সরকারসমূহকে স্বীকৃতি দেয় যারা টেকসই পণ্য ক্রয়ের প্রতিশ্রুতি নেয়, জনস্বাস্থ্য ও পরিবেশ রক্ষা করতে সাহায্য করে। নতুন কর্মসূচিটি স্থানীয় পর্যায়ে নেতৃত্বের প্রচার করে এবং নিউ ইয়র্ক স্টেটের দেশের শীর্ষস্থানীয় সবুজ সংগ্রহ কর্মসূচির উপর ভিত্তি করে গড়ে উঠে, যা সবুজ পণ্য ও সেবার বাজার অগ্রসর করার মাধ্যমে একটি সবুজ অর্থনীতিতে স্থানান্তরকে ত্বরান্বিত করেছে।

"সবুজ ক্রয় সম্প্রদায় কর্মসূচির মাধ্যমে, আমরা নিউ ইয়র্কজুড়ে স্থানীয় সরকার সমূহকে উদ্বুদ্ধ করছি যারা সবুজ সংগ্রহের ক্ষেত্রে স্টেটের নেতৃত্বকে অনুসরণ করছে যাতে আমাদের টেকসই হওয়ার লক্ষ্য অর্জনে আমাদেরকে সাহায্য করতে পারে," **গভর্নর হোকল বলেন।** "সবুজ পণ্য ও সেবার বাজার বৃদ্ধি করার মাধ্যমে, এই দেশের শীর্ষস্থানীয় কর্মসূচিটি আরো স্বাস্থ্যকর একটি স্টেট, একটি আরো পরিবেশগতভাবে সচেতন অর্থনীতি, এবং সকল নিউ ইয়র্কবাসীর জন্য একটি সবুজতর ভবিষ্যৎ গঠনে আমাদের কাজ অব্যাহত রাখবে।"

সবুজ ক্রয় সম্প্রদায় কর্মসূচি গভর্নর হোকলের 2022 স্টেট অফ দ্য স্টেটের একটি প্রতিশ্রুতি পূরণ করে যা হলো স্থানীয় সরকারসমূহের জন্য দেশের প্রথম স্টেট নেতৃত্বাধীন সবুজ ক্রয় কর্মসূচি গঠন করা। এর আগে এই বছরে, নিউ ইয়র্ক আদর্শ সবুজ সংগ্রহ ভাষা প্রস্তুত করেছে যা স্থানীয় সরকারসমূহকে প্রদান করা হবে, যা বলিষ্ঠ সবুজ সংগ্রহ প্রতিশ্রুতির প্রতিফলন করতে ক্রয় পলিসি আপডেট করতে সাহায্য করবে।

পরিবেশ সংরক্ষণ বিভাগ (Department of Environmental Conservation, DEC) এবং সাধারণ সেবা অফিস (Office of General Services, OGS) পরিচালিত এই কর্মসূচিটি স্থানীয়

সরকারসমূহকে স্বীকৃতি প্রদান করে যারা স্টেটের গ্রিনNY (GreenNY) ক্রয় বিশেষ শর্ত অনুসরণ করার প্রতিশ্রুতি গ্রহণ করবে। নিউ ইয়র্ক স্টেটের সকল স্থানীয় সরকার কর্মসূচিতে অংশগ্রহণ করার জন্য যোগ্য এবং দুইটি ধাপে তারা তা করতে পারবে:

- ক্রয় পলিসি আপডেট করে সেখানে ক্রেতাদের জন্য স্টেটের গ্রিনNY ক্রয় বিশেষ শর্ত অনুসরণ করা আবশ্যিক করা; এবং
- আপডেট করা ক্রয় পলিসির একটি কপি একটি এক পৃষ্ঠার আবেদনপত্রসহ জমা দিন।

যোগ্যতা এবং আবেদনের ব্যাপারে আরো তথ্য উপলভ্য আছে [এখানে](#)।

পরিবেশ সংরক্ষণ বিভাগের কমিশনার এবং জলবায়ু পদক্ষেপ পরিষদের (Climate Action Council) সহপ্রধান ব্যাসিল সেগোস বলেন, "DEC নিউ ইয়র্কের সবুজ ক্রয় কর্মসূচিতে আমাদের সাধারণ সেবা অফিসের সহকর্মীদের সাথে একটি গর্বিত অংশীদার এবং আমরা স্থানীয় সরকারসমূহের জন্য নিউ ইয়র্ক স্টেট এজেন্সিগুলির সাথে যোগদান করে টেকসই ক্রয় করার প্রক্রিয়া সরলীকৃত করতে সাহায্য করার ব্যাপারে অধিক আগ্রহী। পরিবেশ ও জনস্বাস্থ্যকে অগ্রাধিকার দিয়ে, স্থানীয় সরকারগুলি শুধু দূষণ হ্রাস করতে নয়, বরং আমাদের স্টেটের সবুজ অর্থনীতিতে স্থানান্তরকে ত্বরান্বিতও করতে পারবে।"

সাধারণ সেবা অফিসের কমিশনার জিনেট ময় বলেন, "গভর্নর হোকলের নেতৃত্বাধীনে, নতুন সবুজ ক্রয় কর্মসূচিটি স্থানীয় সরকারগুলিকে তাদের ক্রয়ের সিদ্ধান্তসমূহে টেকসই হওয়ায় একটি অগ্রাধিকার বানানোর সুযোগ প্রদান করবে। OGS-এ আমরা পরিবেশ সংরক্ষণ বিভাগের এবং গ্রিনNY পরিষদে আমাদের অন্য অংশীদারদের সাথে মিলে স্থানীয় সরকারসমূহকে তাগিদ দিচ্ছি সবুজ অর্থনীতির এবং নিউ ইয়র্ক স্টেটের জলবায়ু পরিবর্তনের প্রভাবের সাড়াদানকে সমর্থন করে এমন পণ্যে বিনিয়োগ করে স্টেটের দেখানো পথ অনুসরণ করার জন্য।"

17 জানুয়ারি দুপুর 2টায় পরিবেশ সংরক্ষণ বিভাগ ও সাধারণ সেবা অফিস একটি ব্যাখ্যামূলক ওয়েবিনার আয়োজন করবে সম্ভাব্য আবেদনকারীদের জন্য যাতে নতুন সবুজ ক্রয় সম্প্রদায় কর্মসূচির ব্যাপারে একটি সার্বিক ধারণা প্রদান করা যায়। ওয়েবিনারটি স্টেটের গ্রিনNY সবুজ সংগ্রহ কর্মসূচির প্রেক্ষাপট, কীভাবে স্থানীয় সরকারগুলি কর্মসূচিতে অংশগ্রহণ করতে পারে, এবং তা করার লাভসমূহের ব্যাপারে জানাবে। পাশাপাশি, ওয়েবিনারে এছাড়াও প্রশ্ন উত্তরের জন্য সময় থাকবে। অংশগ্রহণ করতে আগ্রহীরা ওয়েবেক্সের মাধ্যমে [এখানে](#) লগইন করতে পারবে। আরো জানুন [এখানে](#)।

সবুজ ক্রয় সম্প্রদায় কর্মসূচি তৈরির পাশাপাশি, গভর্নর হোকলের নির্বাহী আদেশ 22 দ্বারা সৃষ্ট গ্রিনNY পরিষদ (GreenNY Council) প্রথমবারের মতো সমবেত হয় এবং 15টি নতুন ও আপডেট করা গ্রিনNY ক্রয়ের বিশেষ শর্তের অনুমোদন প্রদান করে। বিশেষ শর্তগুলির মধ্যে আছে পরিষ্কার করার পণ্যের একাধিক বিভাগ যেমন মপ, ব্লাডু, ময়লার বুড়ি এবং রিসাইকেল করার কন্টেইনার, এবং ডিসিনফেক্টেন্ট ও স্যানিটাইজার, সেই সাথে পরিচ্ছন্ন হিটিং ও কুলিং সরঞ্জাম

এবং যাত্রী যানবাহন। নির্বাহী আদেশ 22 এর অধীনে থাকা 75টি এজেন্সি ও কর্তৃপক্ষ ক্রয়ের সিদ্ধান্ত গ্রহণ করার সময় গ্রিনNY ক্রয় বিশেষ শর্ত অনুসরণ করে। গ্রিনNY পরিষদ এছাড়াও একটি আপডেট করা এবং একটি নতুন গ্রিনNY ক্রয় বিশেষ শর্ত, রং ও কপি পেপারের জন্য পরীক্ষামূলক অনুমোদন দিয়েছে।

নিউ ইয়র্ক স্টেটের শক্তি গবেষণা ও বিকাশ কর্তৃপক্ষের (New York State Energy Research and Development Authority, NYSERDA) প্রেসিডেন্ট ও প্রধান নির্বাহী কর্মকর্তা এবং জলবায়ু পদক্ষেপ পরিষদের সহপ্রধান ডোরিন এম. হ্যারিস বলেন, "সবুজ ক্রয় সম্প্রদায় কর্মসূচি স্থানীয় সরকারগুলিকে শক্তির ব্যবহার এবং ক্ষতিকর নিঃসরণ হ্রাস করে এমন পণ্য ক্রয়ের জন্য নির্দেশনা প্রদানের মাধ্যমে স্থানীয় সরকারসমূহে সবুজ হতে সাহায্য করে এবং এটি স্টেটের পরিচ্ছন্ন শক্তি সম্প্রদায় (Clean Energy Communities) ও জলবায়ু বুদ্ধিমান সম্প্রদায় (Climate Smart Communities) কর্মসূচির মতো অন্যান্য সবুজ কর্মকাণ্ডের সম্পূরক। নিউ ইয়র্ক যখন জীবাশ্ম জ্বালানি থেকে দূরে সরে যাওয়া অব্যাহত রাখছে, তখন পরিচ্ছন্ন হিটিং এবং কুলিং সরঞ্জাম এবং ক্লিন ফ্লিটের উন্নয়ন হলো সংগ্রহ নির্দেশনার মাধ্যমে উপলভ্য দুইটি বিকল্পমাত্র যা আরো স্বাস্থ্যকর স্থান তৈরি করতে পারবে।"

নিউ ইয়র্ক বিদ্যুৎ কর্তৃপক্ষের (New York Power Authority, NYPA) অন্তর্ভুক্তিকালীন প্রেসিডেন্ট ও প্রধান নির্বাহী কর্মকর্তা জাস্টিন ই. ড্রিস্কল বলেন, "নিউ ইয়র্কের সবুজ ক্রয় সম্প্রদায় কর্মসূচি স্থানীয় সরকারগুলির জন্য পরিবেশবান্ধব পণ্য এবং সেবা সংগ্রহ করা সহজ করবে, আমাদের স্টেটের বর্ধিত সবুজ অর্থনীতি সমর্থন করবে। এই কর্মসূচির সুযোগ নিয়ে, মিউনিসিপ্যালিটিগুলি একটি পরিচ্ছন্নতর, সবুজতর ভবিষ্যতের পথে নেতৃত্ব দিতে পারে।"

নিউ ইয়র্ক স্টেটের বাজেট পরিচালক এবং গ্রিনNY পরিষদের সহপ্রধান রবার্ট এফ. মিউজিকা জুনিয়র বলেন, "সবুজ ক্রয় সম্প্রদায় কর্মসূচি নিউ ইয়র্ককে একটি সবুজতর অর্থনীতি হয়ে উঠতে সাহায্য করবে এবং এটি কীভাবে স্টেট কর্মদক্ষতা বৃদ্ধির জন্য এবং সকল নিউ ইয়র্কবাসীর জীবন উন্নত করার জন্য নিজের দক্ষতা ও সংস্থান স্থানীয় সরকারসমূহের সাথে ভাগ করতে পারে তার একটি অসাধারণ উদাহরণ।"

2008 সালে তৈরি এবং নির্বাহী আদেশ 22 দ্বারা অব্যাহত রাখা নিউ ইয়র্ক স্টেটের সবুজ সংগ্রহ কর্মসূচিতে [88টি সবুজ ক্রয়ের বিশেষ শর্ত রয়েছে](#) যা এজেন্সি এবং কর্তৃপক্ষগুলি অনুসরণ করে নিশ্চিত করার জন্য যাতে স্টেটের মার্কিন ডলার এমন পণ্যে বিনিয়োগ করা হয় যার অপেক্ষাকৃত কম পরিবেশগত প্রভাব রয়েছে। এই বিশেষ শর্তগুলি স্টেটকে এর গ্রিনহাউজ গ্যাস ও অন্যান্য পরিবেশগত লক্ষ্য অর্জনে সাহায্য করে এটি নিশ্চিত করার মাধ্যমে যে ক্রয়কৃত পণ্যসমূহ কম শক্তি ব্যবহার করে, কম বর্জ্য সৃষ্টি করে, এবং বিপজ্জনক উপাদানের সংস্পর্শ হ্রাস করে।

নিউ ইয়র্ক স্টেটের দেশের-নেতৃস্থানীয় জলবায়ু পরিকল্পনা

নিউ ইয়র্ক স্টেটের জাতির নেতৃত্বকারী জলবায়ুর কর্মসূচী হল জাতির সব চেয়ে বেশি আক্রমণাত্মক জলবায়ু ও পরিচ্ছন্ন শক্তির উদ্যোগ, যা সুশৃঙ্খল ও ন্যায্যভাবে পরিচ্ছন্ন শক্তিতে উত্তরণের আহ্বান করে যা চাকরি তৈরি করে এবং নিউ ইয়র্ক স্টেট কোভিড-19 মহামারী থেকে

উদ্ধারলাভের সাথে সাথে একটি সবুজ অর্থনীতিকে প্রতিপালন করা অব্যাহত রাখে। জলবায়ু নেতৃত্ব এবং জনসমাজের সুরক্ষা আইন (Climate Leadership and Community Protection Act) এর মাধ্যমে আইনের অন্তর্ভুক্ত করার পরে, নিউ ইয়র্ক 2040 এর মধ্যে শূন্য-নির্গমন বিদ্যুৎশক্তির ক্ষেত্রে তার বাধ্যতামূলক লক্ষ্য অর্জনের পথে এগিয়ে চলেছে, যার মধ্যে অন্তর্ভুক্ত আছে 2030 এর মধ্যে 70 শতাংশ নবায়নযোগ্য শক্তি উৎপাদন এবং অর্থনীতি ব্যাপী কার্বন নিরপেক্ষতা অর্জন করা। এটি স্টেট জুড়ে 120টি বড় আকারের নবায়নযোগ্য এবং ট্রান্সমিশনের প্রকল্পগুলিতে 35 বিলিয়ন ডলারের বেশি বিনিয়োগের উপর ভিত্তি করে গড়ে তোলে, যার মধ্যে আছে ভবনগুলির নির্গমন কমাতে 6.8 বিলিয়ন ডলার, সৌরশক্তি বাড়াতে 1.8 বিলিয়ন ডলার, ক্লিন ট্রান্সপোর্টেশন উদ্যোগের জন্য 1 বিলিয়ন ডলারের বেশি এবং NY গ্রীন ব্যাঙ্কের (NY Green Bank) প্রতিশ্রুতিতে 1.6 বিলিয়ন ডলারেরও বেশি সহ ক্লিন এনার্জি বাড়াতে নিউ ইয়র্কের অভূতপূর্ব বিনিয়োগ। সম্মিলিতভাবে, এই বিনিয়োগগুলি 2021 সালে নিউ ইয়র্কের ক্লিন এনার্জি সেক্টরে 165,000 টিরও বেশি চাকরিকে সহায়তা করেছে, 2011 সাল থেকে বিতরণকৃত সৌর খাতে 2,100 শতাংশ বৃদ্ধি এবং 2035 সালের মধ্যে 9,000 মেগাওয়াট অফশোর উইন্ড বিকাশের প্রতিশ্রুতি। জলবায়ু আইনের অধীনে, নিউ ইয়র্কে এই অগ্রগতির উপর ভিত্তি করে নির্মাণ করবে এবং 2050 সালের মধ্যে গ্রিনহাউস গ্যাস নির্গমনকে 1990 এর স্তর থেকে 85 শতাংশ কমাতে, এবং নিশ্চিত করবে যে পরিচ্ছন্ন শক্তির বিনিয়োগের 40 শতাংশ বেনিফিটের অন্তত 35 শতাংশ সুবিধাবঞ্চিত সম্প্রদায়গুলিকে দেওয়া হবে, এবং চূড়ান্ত ব্যবহারকারীর শক্তির খরচ সাশ্রয় করার মাধ্যমে অন-সাইট শক্তি খরচ 185 ট্রিলিয়ন BTU কমানো, যাতে 2025 সালের শক্তির দক্ষতার লক্ষ্যের উদ্দেশ্যে অগ্রসর হওয়া যায়।

###

আরো সংবাদ পাওয়া যাবে এখানে: www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418